

五

醉得枕上化蝶睡起筆下生蛇日長心下無事饑來只是餐霞

六

秋雨織愁成段暮雲過眼生花棲鳳亭中寂寞武夷舊有仙家

詩七言古

清勝軒夜話

殘燈結花滿堂紅酒興未已詩興濃雲盡星瑣翠空一林幽  
竹夜呼風逸士倚樓嘯玉龍蟬聲泣露落梧桐把手論文開心  
胸黑甜相催話未終香篆飛蛇身簾籠鄰雞喚曉何處鐘摩挲  
醉眼欄杆東茶鐺無火召玉童三子芒鞋七尺筇踏破青山綠  
道藏輯要 白真人集二 三 叢集二

幾重

夜宴清勝軒醉吟呈倪梅窗吳道士隱甫

山前浩歌覺聲乾長嘯直入碧雲關梅窗主人攜百壺一夜談  
話秋雨寒燈紅吐出玉蟲瑤道人犬嘯拍牀吼連榻隱南吳庚  
契要看紙上生蛇走停杯撐眼發詩頭橫捉二筆半欲眠笑把  
崑崙醮滄海寫出新詞數萬編

題清勝軒壁

奇花兩朶香一爐片心無事更清虛壁頭有琴牀有劔浩歌梵  
曲聲虛徐物外志趣本不俗山軒清勝萬事足自勸之酒三兩  
盃無事之基三兩局